

Khrih Te Awlkhueh Thai Jubili Kah A Soengna La N'Awm Ngaihna

Caciim Teeham; Lev.25:8-17, Isa.61:1-3, Luk.4:16-22, Cel.26:16-19

I. Lev. 25:8-17 dawng kah Jubili kum te Isa. 61:1-3 dawngah awlthui oepsoeh nala a tuengsak tih, Luk. 4:16-22 dawngah tah a soengna dawngah soepbirna la a tuengsak.

- A. Jubili kum dawngah awlpui la ka awm zouthenna pahih awm, tetah thlaang roeek amah kah a thlaawng akoe tengla koep a lawna oen saal ka lawng loeih demna a dang te ni -Lev. 25:8-17.
 - 1. Jubili kum dawngah mah kah koe, lai theen dawngah a mah kah taham aka zoei thlang roeek hetah tete atlang ham thaihu khat khat peek ngoe mueh la koep a lawna (athan. 10,13,28) oen amah oen mah saal la aka zoei u thlang roeek he loeihna a dang tih amah kah imkhui kaw tengla koep a lawna (athan. 39-41) te awm.
 - 2. Mah kah koe awmna la koep lawna oen loeih demna dang tih mah kah imkhui kaw tengla koep lawnthli hetah awlkhueh thai Jubili dawngah oengcathli lawngah a mami kah sungla ka awm Pathen kah koela pathen teng koep valaw la awm tih, pinzeennathli boeih ka lawng loeih tih tethli kah Pathenben imkhui kaw la thlangboel khuila koep a lawna te a thui nuetna -Efe. 1:13-14, Kol. 8,32. Saam. 68:5-6.
- B. Awlkhueh ruem nueh tahna dawngah Jubili he kumkhat ni a diu de catah, a soepbirna dawngah tah hehe Pathen lawng thawlh lawng atuuk thlangthli koep a lawna (Isa. 49:8, Luk. 15:17-24, 2Kor. 6:2) oen thawlhna kah saal dawngah hephapna khui ka lawng Pathen kah thlawngna loeih sakna (Rom. 7:14, 8:2) te awmngaihna a caan la awlkhueh thai dung, a reenna te a thui ngaihna.
- C. Oengcathli lawng a lungvatna dung dawngah Jubili te a awmngaihna (tethli tengah Pathen kah a reenna la khrih te awm ngaihna) he kumthaawng dung vengah Jubili te a betoet la awm ngaihna oen vaan thai oen diklai thai Jerusalem khaw thai dawngah betoet cala awm ngaihna te a thooeng sak – Jhon.1:16-17, Rom.5:17, Fil.3:14. Awl.22:1-2a.

II. Jubili kum he a reenna la khrih lawngah mami kah awm ngaihna hamla a reenna kah awlthli rangoen mami kah khuila a rekra la awm. Awlkhueh thai Jubili he mami kah thlaawna hamla awmngaih ham koei dung la awm -Luk.4:22, Saam.45:2, Jhon.1:14-17, 2Kor.6:2.

- A. Awlkhueh thai dung he awmngaih ham koei dung la awm tih, khrihthlaang pakhat hetah awmngaihna aka khueh thlang la awm. Mami lawng Pathen kah haaiah awmngaihna a awm vaai nawh a tah, hetah mami dawngah Pathen te a khoek la n'awmngaihna awm nawh tite a tuengsak – 5:13, Cel.11:5,22:5, 22:17, Saam.43:4a, 51:12, 1Pit.1:8, Isa.12:3-6.
- B. *Jubili* he ngai hangna nawh atah lakuengna aka awm nawh, awlpui la khuehna nawh atah awlpui la khuehna aka awm nawh, aka zawl nawh atah ngoena aka awm nawh, thlawh natna nawh atah patangna aka awm nawh, a meang raina khaw seh a awm mueh la, a theennathli boeih te a dangna ni. Tedawngah soeprep boeih he mami kah thinkaw ham atah ngaih ham koei oen khuek tiham koei la awm tih, mami tah lakuengna ka lawng n'loeih tih, thazoei la awmna, kawpoek khuek tina oen awmngaihna te awm u – Saam.103:1-5, 116:1-7, 12-13, 17-19.

- C. Mami lawngah Jesuh te mah dawngah aka soeng Jubili la n'dou hamla awm. Bawipa te mami lawng n'dang vengah, Pathen te mami kah koe la n'dang u tih, thawlhna oen seitan kah pinzeenna ka lawng n'loeih u tih, aka soeng loeihna oen duemna te n'dang u thai ai -Cel.26:18, Efe.1:13-14, Kor.1:12, Matt.11:28, Jhon.8:32, 36.
1. Mami lawng khrih te mah kah thlaawngkung bawi oen hingna la n'dang u vengah Bawipa he mami kah khuila mami kah Jubili la a coeng ham valaw, tede mami lawng Bawipa te mami kah khuiah a hing hamla a caan n'pe nawh kawi nih, Bawipa rangoen mami n'hing nawh kawi nih mami lawng Jubili dawngah a tak la n'hingna nawh ni – athaan. 11-12.
 2. Mami kah lungbui he Bawipa lakah a meang thlaang, thaihu nawh atah a kaawng a laam sawah n'khueh kawi nih, hetah muirawl bawkna la awm tih, a boetna a tah raina ni n'taawng ai -1Jhon. 5:21, Eze. 14:3,5, 6:9.
 3. Mami lawng khrih te mami kah khuiah n'hingsak tih, mami lawng Bawipa rangoen n'hing u kawi nih soeprep boeih he mami kah ngaikhuekna la awm. Tetih la nawh kawi nih soeprep boeih he raina la awm vetih, a meang thaihu khaw seh Jubili la awm thlahi nawh.
- D. Soeprep boeih he mami ham ngaikhuekna la a awm thaina hetah mami lawng soeprep boeih aka thuum khrih te mah kah awmngaihna la a meek la n'dang coengah ni a coeng thai. Dauben thlaangthli, a kaawng a laamthli nawh atah thaihuthli oen nawh tih, mami khui ka awm khrih lawng mami te a meang a caan vengah khaw seh mami lawng n'tuk vengah ralthenna oen lakuengna a awm mueh la n'coengsak ai -Fil.3:8-9, 4:5-8, 11-13.

III. Luk. 4 dawng kah Jubili a paangna he luka capat pum paluk kah lak lungkir poekna te a uk tih, Luk. 10 dawng kah aka theen samari thlaang oen Luk. 15 dawngah capa ka auh kah nueh tah nathli he Jubili kah aka theen koek nueh tah nathlila awm.

- A. Aka theen samari thlaang kah nueh tahna dawngah a thui thlanghing-thlaawnkungbawi he Bawipa kah thlanghingben a theennathli oen Bawipa kah Pathenben a coengnathli a tuengna te a thui nuetna la awm – 10:25-37.
1. Thlanghing- thlaawngkung bawi he Bawipa kah aka auh thlang te tlapna oen thawlhca te thlaawwna lawngpuengah (19:10) Judah thlang te thlanghuenthli lawngah nganbawh a peek thlang a awmna la, kawpoek a naawm nawh oen duek taawm ca tih a ralhna huenla te valaw thuuk.
 2. Thlanghing- thlaawnkung bawi lawngah a hih te a huh veng Bawipa kah Pathen coengna oen thlanghing coengna dawngah a reenna te a khueh tih, bangha te a hoeih sakna oenah a thaawn pa a bueh thaawng petih, a hih kah awlpui a ngoenathli te a soepbir cala a peek – 10:33-35.
- B. Thlanghing thlaawnkung bawi he aka auh capa kah nueh tahna dawngah a tuengsakna hetah Bawipa kah khawl cuina, tlapna oen thlawwna ka sai Muithla he Pakah lungna, khaw dawp ngaina oen reenna thinkaw oen haih a awmna te a tuengsak – 15:11-32, 9:55-56.
1. Hinat hinah capa ka auh te amah kah a koethli oen ampa imla te koop vamel. Tetah Jubili loeihna la awm tih, soeprep boeih he dou ham koei oen ngaikhuek ham koei la awm – 15:20,24, Lev. 25:10-12.
 2. Thlawwna hetah mami kah rou tengla koop lawna, Pathen tengla Bawipa he mami kah koela n'awmngaihna hamla koop lawna ni (Efe. 1:13-14). Thlawwna hetah Pathen te a meekla n'dangna ni. Mami dawngah Pathen a awm vengah, mami dawngah soeprep boeih he awm. Pathen a awm nawh atah mami dawngah tu khaw awm nawh (Kol.1:12).

3. Pathen he Khrih dawngah mami kah zouthenna taham la vacooeng thuuk, tede khrih thlaang broe nawh thli he nawm u nawh tih, aka tueng nawh angna angla awm u, tudawngah tiatah tethli lawng Pathen te a mami kah tahamla a khuen tih “awngna” awm u nawh dawngah ni – Efe. 4:18, Fil.2:12-16.
4. Capa te ampa lawngah a douna oen capa he amah kah ampa oen imla koep a lawna hetah capa hamla Jubili kuum, a lungvatna kuum la awm – Luk.15:20.
5. Khrih dawngah Pathen tah thawlh zuuk tih koep aka mel ka auh capathli kah awmngaihna hamla aka thau vaithawla vacooeng – athaan 23.
6. Hetah Lev.25:11-12 oen vai hih tih, tetah thlangthli lawng Jubili kum dawngah cangti hehna khaw seh sai nawh tih ahna khaw seh saithai nawh tih, caak ham oen awmngaih hamla ni a thui. Mami lawngah thawlh zuuk tih Jesuh te n’douna rangoenah Pathen tengah koep n’mel veng Pathen te mami kah khuibenah n’dang u tih, hetah mami kah Jubili a tawngna la awm.
7. Mami tah Pakah vat la ka awm saalthli nawh tih, Bawipa kah a awmngaihna capathli la n’awm u, mami tah tahe ka lawngah dungzaan toela Pathen te mami kah koela boet mueh la n’awmngaih u thai poen.

IV. Mami lawngah khrih te loeih demna kah a soengna oen awlkhueh thai kah Jubili oen zouthennathli la n’awmngaih hamla angoe – Luk.4:18-19.

- A. Khrih te Jubili kah a soengna la n’awmngaih ham a tah mami lawng hinat coeng hinat Bawipa kah awl te hutuung tih Bawipa oen sangthilna rangoen Bawipa oen a caan lawh hamla angoe. Mami lawngah Meri kah dankoei theen hula te vai hamla angoe, ahiah tah Bawipa kah khawtang huuihah ngawl tih Bawipa kah awl te ka hutuung thlangla awm – 10:39.
 1. Ahiah tah *Bawipa Jesuh* kah a khawtang ah awm tih, atloe u khat kah a khawtang a khaw seh a awm moe nih. Ahiah tah Bawipa kah a tengla te thoeih. Caankhat coeng caankhat Bawipa tengla lawna, Bawipa te lungna, Bawipa oen boetmueh la pawlnelna oen Bawipa kah mikhuh dawngah awmnathli lakah aka theen ngaai a lawngim he awm tlaih nawh.
 2. Ahiah tah Bawipa kah a *khawtangah* te ngawl, ahiah lawngah Bawipa te lungvatna la a dang hamla amah oen amah a heemla khueh u tite a thui ngaihna (1Pit.5:5). Dung voengna hetah mah oen mah thazawl sakna moenih. Dungvoengna hetah mah oen mah hooetna, mah oen mah tukna, mah oen mah a hawngghi ni tila poekna ni.
 3. Ahiah tah *ngawl*. Bawipa kah haaiah awlmueh la ngawlhna he muithlaben tharaana kah a kungsut la awm (Isa.30:15a). Thlanghing kah mikthli oen poeknathli he zahawh ngaai tah diklaiben la ni a ceh. Laa la ka cek mingna oen poeknathli rangoen bii karu thlangthli tah tuengsakna te a zoei cala huh thai nawh mue.
 4. Ahiah lawng *Bawipa kah awl te ahuh tuung* pe. Bawipa lawng athui awl hetah Muithla oen hingna la awm tih (Jhon. 6:63) tetah Bawipa amah te thlangthli kah khuila a rekraana ni. Ahiah lawng Bawipa kah a awl te a huh tuungna tetah, Bawipa lawngah ahiah te a voemtoei naham a lawngim la awm tih, te rangoen ahiah lawngah Bawipa te boet mueh la a dangna oen Bawipa te a meekla a dang thai ai.
- B. Pathen kah thlawna lawng mami te atak la loeih demna te n’dangsak. Mami kah koe tah Pathen la awm tih, mami kah loeih demna tah Pathen te n’awmngaihna ka lawngah valaw. Thlang he Pathen te awmngaihna nawh kawi nih ahiah lawng atak la loeih demna te dang nawh mue. Loeih demna hetah loeihna, pinzeennathli boeih, thal rihthli boeih, hephapnathli boeih oen saal tamna khangnathli khui ka lawng boeihah loeihna adang tite a thui ngaihna – 8:32, 36, Gal.5:1, 2, 2Kol.3:17.

- C. Lamha cuekla seitán lawng mami te n'rawksak. Tecoengah mami dawngah thawlnhathli te aka bawnghawrh kung, suekna aka tawngkung la a awm hamla valaw. A hukhueng latah ahih te mami kah aka soeng nawh bawila vacooeng tih, mami lawng a theen thaihu te n'sai thai thlaih nawh tih thlawlnhathli teni n'sai na u hiil la ahih kah kutbuem thlangthli la n'awm u – Rom.7:14, 1Jhon.5:19.
1. Thlanghing lawngah Pathen te dang nawh mai kawi nih, Pathen mueh la ahih lawng a nawm hamla a zawm boeih boeih te uei kah buh, boeihbaai oen eek lani a awm – Fil.3:7-9, 2Pit.2:22.
 2. Seitán te Belzabuba tila a khue tih, tetah “eekthli kah bawi” tila a thui ngaihna tih, “pilthli kah bawi” tila a thui ngaihna Belzabu ka lawngah valaw. Seitán lawng thawlh cathli te pithli te eek sawah a cah angla a mawtna dawngah broe nawh la thooem – Matt.10:25, 12:24, 27, 2Seng. 1:2.
 3. Mah kah thinkaw dung khui ka lawngah u khaw seh thawlh he sai hamla ngaih nawh de, hukhueng latah thlangrooek he thawlhna te a sai. A u khaw seh a mah oen amah ueh u thai nawh tih, thlangrooek he thawlhna kah saal la cooeng u – Rom.7:18-23, Jhon.8:34.
- D. Rom.7:24 dawng kah Pawl kah a rahna he Rom.8:2 dawngah aphi te a tuengsak tih, tetah hingna kah Muithla lawng Jesuh khrih dawngah mami te thawlhna oen duekna ka lawng n'loeih sak poen tila a thui.
- E. Mami lawng hingna aka pekung Muithla la khrih te n'awm ngaihna u rangoenah ni n'loeih dem u vetih, atak la loeih demna te n'dang u ai. Pathen te aka awmngaih thil thlangthli lawngah ni thawlhna te a sai nawh tih, loeihna awm tih, loeih demna, thazangna oen pinzeenna ka lawng loeihna hingna te a hingpui thai – Jhon.8:11,24,28,31-36.
1. Hingna kah Muithla lawng mami te thawlhna oen duekna kah khui ka lawng n'loeihsak. Hetah Bawipa amah roela awm tih, Bawipa tah duekna oen thawh koepna te a poeng tih hingna aka pekung Muithla la ka cooeng Bawila awm – Rom.8:2.
 2. Mami lawngah Bawipa te a khoek la n'awmngaih thilna a awm nawh atah, thaihuthli broe nawh dawngah pinzeenna te awm toeng toeng ai. Mah ngaih khaw khaangna he tula thuum nawh. Mami lawngah Bawipa te boet muehla caak awkna oen n'awm ngaih hamla law ham awm – 1Kor.1:9, Awl.2:7, Isa.55:1-2.
 3. Jubili la khrih lawngah mami kah khawdengna, tuuk khakna, mik pumna, hephapnathli khui ka lawngah mami te n'loeih demsak – Ek.1:2, 14, 3:11, Fil.3:8, 2Pit.2:22, Luk.12:21, Awl.3:17.
- F. Jubili te n'hingna he khrih te n'awm ngaihna dawngah hingna, Pathen te mami kah rou oen atak la loeih demna la n'awm ngaihna kah hingna ni – Cel.26:18, Jhon.8:36.
1. Jubili te n'hingna he Pathen amah roe, khrih amah roe te thaihu boeih dawngah mami lawng n'khuen tih n'hingpuina ni. Te vengah Bawipa lawng thlanghing hingna kah rainathli boeih sawah a uk hamla mami dawngah a kaawng a laam oen laklungkir la va cooengthuk 6:16-21, Kor.1:17b, 18b, Fil.4:6-7, 11-12.
 2. Soeprep boeih he Bawipa kah ukna huuih a awm dawngah mami lawngah “Bawipa, kai dawng thloen u lah, kai he n'dang koep lah, na koe la n'khueh lah, kai he a meang paihuenah ka awm a khaw seh, kai lawng nang bueng ni ka awmngaih hamla ka ngaih” tila n'thui ham awm. Mami lawng awlthang theen- khrih te lungvatna kah Jubili – la Pathen kah kamthlana a soepna hamla hingna oen paangpuina rangoen tahe kah bibi kungthli oen sausithli la cooeng ham angoe – Cel.26:16 -19.